

**ОЬМИРЛИК
ЯШАВГА
КАЛАЙ
ЕТЕЙИМ?**

Вернер Гитт

ОЬМИРЛИК ЯШАВГА КАЛАЙ ЕТЕЙИМ?

Аьдемлердинъ көбиси оьмирликтен себеп ойланган да этпейдилер. Солардынъ арасында оъз яшавынынъ ахыры акында ойлайтаганлар да, оьмирлик яшав акында ойга берилмейдилер – олардынъ шарклары топырак болганнын сонъ не болар экен деп.

Дрю Берримор деген американ артисти (тувган йылы - 1975), бала заманда «Баска планетши» деген фильмде ойнаганда, бурай айткан болган: «Эгер мен меним мысыгымнан эрте оъле калсам, ога меним отта ягылган шаркымнынъ куылин ашатув керек. Бурай болганда мен мысыгымнынъ шаркында болса да яшавымды узайтарман». Оълим акында мундай билимсизлик, ойсызлык оъзи боларма?

Иса Масихтинъ күнлериnde Ога көyp аьдемлер келгенлер. Олардынъ баъри буйымлары да дуныялык яшав ман байланыслы эдилер:

- **он авыр тери маразлы аьдем савлык тиледилер** (Лук. 17:31);
- **соқырлар көвзлерине ярык энгенин изледилер** (Мат.9:27);
- **кайбирлер асабалык уълесуъвде ярдам күттилер** (Лук.12:13-14);
- **Кесарга ясак тоълемеге тийислиме яде тувылма деген сорав ман Ога парисейлер келген болдылар** (Мат.22:17).

Эм тек бир нешев аьдем Исадан Коъктеги оьмирлик яшавга калай коъшуъв билемеге келдилер. Бир яс аьдем Исады излеген экен сосындай сорав берер уьшин: **«Яхши Устаз, оьмирлик яшавга етер уьшин мага не этпеге керек?»** (Лук. 18:18). Иса ога баъри болган затын сатып, баъри янына баа эм ювык болганиннан айырылган сонъ, келип Ога ызламага болаягын айтты. Тек ол яс аьдем бек бай болган эм Исадынъ кенъесине ызламага суюмеди. Түбинде ол оьмирлик яшавдан оъзин айырды. Баскалар да бар эдилер: дерия Коъкте оьмирлик яшав излемегенлер, тек Иса ман расканда, олар сол затты билип, оьмирлик яшавга тийисли болув амалы манн пайдалангандар. Мысалыга, Закхей Исады тек бир коъргиси келген эди, ама күткениннен кайда коъпке тийисли этилди – Иса Закхейде конакта болганды, тап сол шай ише турган вакытында

Закхей оъмирлик яшавга йол алды. Иса булай айтты: «*Сосы вакыттан алып бу уйге куткарылув келди*». (Лук.19:9)

ОМИРЛИК ЯШАВГА ТИЙИСЛИ БОЛУВДЫНЪ ЙОЛЛАРЫ

Йогарыда айтылганнын сосындай тамамлав шыгармага боламыз:

- Коңк Патшалыгына аьдем бир күннинъ бириnde тийисли этиледи. Сизге, аязиз окувшыларга, билмеге керек зат бу: сиз тап буыгун Тенгри мен оъмирлик яшавга тийисли этилмеге боласыз;
- Коңк Патшалыгына тийисли этилувв кайдай да бир борышларды толтырув ман байланыслы туывыл;
- Коңк Патшалыгын излев айырым аъзирилкти талаппамайды.

Оъмирлик яшавды излевде бизим оъзимиздинъ күш салувымыз босына кетеек. Эгер биз сол йолымызда Тенгри Сөзине таянmasак. Бир йырши оъзининъ халк юбантатаған артист ақында йырында булай йырлайды: «Ол артист оъмирлик яшавга тийисли болаягы белгили, неге десе ол аьдемлерге куваныш аькеледи». Баска бир бай хатын, Саваплык фондтынъ басшысы, басспана уйин салган. Сол уйде 20 ярлы хатын ак тоълемей яшамага болган, тек бир шартты толтыраяк болсалар: олар аьр күн сайын бир саъат бойынша оларды саклавшы хатыннынъ янына куткарылув тилеп дува этсeler.

АҚЫЙКАТ ТА БИЗ КАЛАЙ ОМИРЛИК ЯШАВЛЫ БОЛАРМЫЗ?

Сол затты бизге түсьиндирер уьшин, Иса бизге сосындай ақыл соъз айтты (Лук.14:16): Бир аьдем (хабарда ол Тенгри Оъзи экен) уллы зияпет тизип (хабарда - Коңкте), коңп аьдемлерди шакырады. Тек сонъ болган зат сейирди түвдүрады. Баъри шакырылганлар да бирииннен сонъ бири, кеширувди тилеп, келмеектинъ амалын эттилер. Баъри бир тилден болгандай, кеширувди тиледилер:

Бириниши айтады: мен ер сатып алганман...

Экиниши: мен бес косак оъгиз сатып алганман...

Ушиниши: мен уйленгенмен, сонынъ ушин барып болмайман...

Иса ақыл соъзин шакырмага йиберилгеннинъ соъзлери мен кутылды: «*Сол себептен сизге айтаман: мен шакырганлардынъ бириси де Меним асымды авызына салмаяк*». (Лук.14:24).

Соннан себеп, Коңк Патшалыгына тийисли болмага да, тап сүйтип оны йоймага да болады. Айыргыш зат бу ерде: шакырувды хош көрип алармызба, яде эссиz калдырап-мызба? Муннан баска бир енъил болган зат барма экен? Эш те йок! Эгер кашан да болсын бизим арамыздан көйpler Коңк Патшалыгына кирип болмасалар, сол заттың себеби – олардың калай онда кирмеге керегин билмегенлерин-нен туыл. Керисинше, шакырувды хош көрип алмаган-ларында болаяк. Исадың ақыл соьзиндеги ол уш инсан бизге көрим болмаска кереклер, неге десенъ, ушевдинъ бириси де шакырувды алмаган эм зияпетке келмеген! Болса да зияпет халксыз калмады!

Шакырылғандардың келмеге унамаган сонъ, Ие шакырувды аър ерде яшаган аър кимге йиберди. Тек ол энди алтынсув ман язылган айырым шакырувлар туыл, булай айтылган: «Келинъиз!» - деген соьз болды. Эм аър бир, сосы шакырувды хош көрип алган инсан. Сол зияпет салынган ерде оъзине деп сымарланган орнын табады. Эм де не? Айдемлер келүвде болдылар. Топарласып та келедилер. Бираз заман кеткен сонъ, Ие энди де көйп бос орынлар бар экенин көрреди! Оъзининъ ялшысына: «Бар. Энди де келеек болғандарды сол ойларында беркит...» - дейди. Соны ақыл соьз бизим аълиги замандагы айларди бек те тувра белгилейди.

Коңкте энди де көплеген бос орынлар бар эм Тенгри: «Кел, оъз орнынъды Коңкте бийле. Ақыллы бол. Оъмирликте оъз орнынъды алып кал. Тап буыгүн сол затты эт!» - дейди.

Коңк айтып болмластай айлемет, сонынъ да ушин Иса Масих оны мол зияпетли той ман тенълестириди. Коринфшилерге аталган биринши хатта (2:9) Коңк ақында булай айтылады: **«Коңз де көрмеген, кулак та эситпеген. Айдем юрегине де келмеген Тенгридынъ Оны сүйгенлерге альзирлегенин».** Соны ердинъ устинде Коңктеги мен тенълестирип болғандай эш бирзат та йок. Сондай айлемет онда! Коңк сол кадер



де баалы, эм биз онда барувдынъ эш бир амалын йоймаска керекпиз. Тенгридынъ улы Иса бизге Көкке эсик ашты эм Ол аркалы бизге онда түсьүв - айлак та енъил. Энди тек бизим оъз ыхтыярымыз баырин айыратаган зат болады. Эм де тек ол хабардагы кыска ақыллы уыш инсандай аьдемлер шакырувды алмаслар.

КУТКАРЫЛУВ ИСА МАСИХТЕН КЕЛЕДИ

Элшилердинъ Ислери акында Китапта (2:21) биз бек мавнели соъзлерди табамыз: «Раббийди (Масихти) шакырган айр ким де куткаралаяк». Янъы Антласувдынъ туyp негизиндеги соъзлер бу. Элши Паул Пилип каласынынъ зинданында турганда, оъз каравылшысы ман соъзин булаги битирди: «ъйнан Раббий Иса Масихке, эм де куткараларсынъ, оъзинъ де, савлай уйинъ де» (Элш. 16:31). Сосы соъздинъ, кыскалыгына да карамай, аьдемнинъ яшавын танымастай туърлендиретаган күнши бар. Сол ок кеше каравылшы тевбе кылып, Исага иерген болды.

Тагы да бир айлди биз амалсыз билмеге тийислимиз: Иса бизди оъмирлик оълимге, яханемге аькететаган йолдан тайдырмага субеди. Кие Китаптынъ айтывынша, аьдемлер Көкте (еннетте) эм Ер астында (яханемде) оъмири тураяклар. Биринчиси – аьлемет, экинчиси – яманнинъ яманы. Ушинши ер деген йок. Оълимнен соң бес такыйка озганилай, оълим мен баъри зат та кутылады деген эш бирев де болмас. Баъри зат та Иса Масихтинъ эмири мен шешиледи. Бизим оъмирликке көшүүвимизтек бир сынъар Исадынъ колында, эм бизим Оны ман түзген айкасларымызга көре шешиледи!

Бир кере лекция окув программысы ман мен Полонияда болганда, биз Освенцим атлы аьвелги концлагерьде экскурсияда болдык. Ушинши рейх заманларында мунда эсапсыз авыр оъзгерислер оздылар. 1942-1944-нши йылларда бу ерде бир миллион ярымнан артык аьдемлер (көбинше - жуыйтлер) газ камераларда ягылганлар. Адабиятта сол байланыслы «Освенцимнинъ яханеми» деген соъз тувып беркитилди. Сол соъз акында мен экскурсияда газ камерада турган заманда ойлай эдим. Бир кересине газ камерада алты юз аьдем оълтирилген болган. Тек сол ма эди акыйкат яханем?

Бизим экскурсия күбимиз сол газ камераларды карап юрмеге бола эди, неге десенъ, мунда энди биревди де язаламайдылар. Сосы эпсиз кынатшылык 1945 йылда токтатылган. Освенцимнинъ газ яханемининъ заман мажалары болган, Кие Китап айтатаган яханем – оъмирлик зат.

Освенцим музейинде меним карамым тамдагы каштынъ суввертине тигилди. Лагерьде тутылганлардынъ бириси тамда оъзининъ уьмитин мык пан тырнап суввертлеген. Сосы суввертиши баска тутылганлардынъ санында газ камерада оълтирилген, тек ол Куткарувши Исады билген. Эм ол сосы яман ерде оълген болса да, ога Коък ашык эди. Бизди Янъы Антласувда Иса Масих сакындыратаган яханемде (Мат. 7:13; 5:29-30; 18:8) айдемге куткарылув йок. Освенцим мен тенъlestирсек, яханем оъмири «ислейди», сога көре яханемде кыска экскурсия озгарып эш болмайды.

Коък те оъмирилик зат. Сосы ерге бизди Тенгри айкелгиси келеди. Сога көре шакырувды хош көрүп алышыз эм де Тенгриге келинъиз. Раббийдинъ атын шакырынъыз эм сол аркалы оъзинъизге Коъкте орын айзирленъиз.

Бир күн меним лекциямнан сонъ бир хатын мага тынышсызланып сорав берди: «Оъмирикте оъзинъе орын айзирлеген деген ол не? Бу зат элгезерликтинъ бюросын эске түсьирди». Мен болсам оны ман унастым: «Ким эртерек айзирленимсесе, сол түбинде мырадына етпеец. Эгер сиз Гаваи аралына бармага суйсенъиз, сизге билет болувы керек». Ол болса меннен тагы сорайды: «Ама билет уьшин ак төвлөв керек?!» «Аьше, Коъкке билет уьшин де төвлөв керек. Тек ол билет сондай бир баа, бизим арамызда оны сатып алардай киси йок. Сосы затка буршав болатаган зат – бизим күннади де көрүп унамайды. Бу яшавдынъ ахырында Тенгридынъ Коък оъмирилигинде болгысы келген айдем бас деп оъз күннеларыныннан босанмага керек. Күннелардан босанувды тек күннэсиз бермеге болаяк – эм ол – Иса Масих. Тек Ол оъзи бизди куткарып болаяк! Сол зат уьшин Ол оъз канын төлккен, Кашта язаланувды алышп».

Энди мен болсам оъмирилик яшавга тийисли болар уьшин не этпеге керекпен? Тенгри бизим айр бири мизге Куткарылувга шакырып оъз соьзин каратады. Кие Китаптинъ койп ерлери бизди Тенгри шакырувына явапла мага шакырады:

- **«Тар капыдан кирмеге баъри куьшинъизди салынъыз».** (Лук.13:24)
- **«Тевбе кылынъыз, неге десе Коък Патшалыгы ювыклийды».** (Мат.4:17)
- **«Тар капылардан кириңъиз, неге десенъ кенъ капылар эм кенъ йол – оълимгэ айкетедилер, эм койплер солар ман юредилер; неге десенъ оъмирилкке айкетаган капылар тар, йол тар эм койп болмаган кайбирлер оларды табадылар»** (Мат. 7:13-14)



- «*Оъмирлик яшавдан айырылма, сен оға шакырылгансынъ»* (1 Тим. 6:12)
- «*Раббий Иса Масихке ыйнан эм де куткарылган боларсынъ...*» (Элш. Исл. 16:31).

Булар баяри де –, бек ыйнандырган бизге каратылган шакырувлар. Оларда аыллар бу заман бек те маңнели экени сезиледи. Сога көре, сынъар дурыс абыт – сол шакырувга сосындай дува кепте явап болаяк:

«Раббий Иса, аылиге дейим мен тап Сен йоктай көрип яшадым. Тек бұғын мен Сени таныдым, сонынъ да уьшин биринши кере Сага сосындай дува ман уын соьзимди каратаман. Мен энди еннет те, яханем де бар экенин билемен. Мен тилеймен Сага, мени яханемнен куткар. Оға мен тийсли этилгенмен баяри оъзимнинъ күнналарым уьшин, бириншилей болып оъзимнинъ Сага ыйнанмавым уьшин. Меним аылиги сынъар авасым – бир заманнынъ биринде эм оъмирлерге Сенинъ янынъда Көктө болув. Меним бир етимисим де, ийги ислерим де мага Көктө орын сымарлап болмаягы мага белгили, тек Сага ыйнанувым мага Көкке йолды ашаяк. Неге десенъ Сен мени сүбесинъ, неге десенъ, Сен меним уьшин Кашта оълимди алдынъ эм Оъз оълимнинъ мен мени куткардынъ. Сонынъ уьшин мен Сага разылыкты айтаман. Сен меним баяри күнналарымды да көрсесинъ – меним тувганымнан алып аылиге дейим. Сага меним яшав бойы эткен күнналарым белгили: мен оъзим билген эм де көптен мутып та кутылган күнналарым. Сен мен акында баярин де билесинъ. Сага меним юрегимнинъ аыр бир ымтылышы, куваныш болсын, кайгырув болсын, белгили. Сенинъ алдынъда мен – ашык китап. Аылиги кебимде эм де аылиге дейим яшаган кебимде мен Сенинъ эм акыйкат Тенгридынъ алдына келип, эм де

Көйкө барып болмайман. Сога көре, тилеймен Сага: мага баъри күнапарымды кешир, бойтен де мен олар болганы ушин ак юректен оькинемен. Бу вакыттан алып мен Сени оъзимниң Раббийим деп билемен. Меним яшавымды Оъзинъинъ басшылыгынъа ал. Мен Сен суюгендей этип яшагым келеди.

Мага Сени мен болмага орав эткен айр не заттан тазалан-мага мага ярдам эт деп тилеймен. Мага янъы, Сен яраткан-дай, касиет-кылкыты бер. Мага Сенинъ Соъзинъинъ – Кие Китаптинъ акыйкатлыгын аш. Сенинъ ол аркалы мага айтаяк болган затынъды анъламага мага ярдам бол, ол аркалы яшавда янъы күш-карувды эм куванышты табып уйрет. Муннан алып Сен меним ян тапшырган эм ызлагым келген РАББИЙИМ. Коърсетши мага эндиден алып юрмеге тийисли йолды. Мени эситкенинъ ушин Сага разылык соъзимди айтаман. Сага келип, Тенгридинъ саъбии болганим эм заман еткенде Сени мен оъмири Коъкте болаягым акында Сенинъ соъзинъе ыйнанаман. Муннан алып энди кайдай да яшав айллеринде эм де айр заман Сен мени мен болаягынъды билгеним – мага айлак та уйкен наъсип эм куваныш. Мага дайым да Тенгри Соъзин эситип тураг ушин, Сага ак юректен ыйнанганд айдемлерди, Кие Китаптинъ соъзиннен таймай яшаган уымметти таппага Сен ярдам этши. Аминь».

Профессор, техникалык илмилери-нинъ докторы Вернер Гитт



Асыл тилинде аты: Wie komme ich in den Himmel?
Автордынъ интернет-сайты: www.wernergitt.de

Bruderhand-Medien
Am Hofe 2, 29342 Wienhausen, Germany
Tel.: +49 (0) 51 49/ 98 91-0, Fax: -19
E-Mail: info@bruderhand.de, Homepage: bruderhand.de

Nr. 865: Noghaisch (kyrillisch) / Noghay (Cyrillic), 1st edition 2013

